

本  
校  
消  
息



## 撮錄鍾榮光先生一月十三至二月二十八日

### 在紐約日記

予十三早到紐約。晏文士、岑俊樵、謝昭杰、三君由西站（建築費二十萬金元）迎至南大事務所。擬當稍定。與晏君乘車北上行三十哩。至南大董事長巴臣氏家午餐。餐畢。商議晏君辭職及繼任監督之事。是晚由巴君家乘自由車走二十哩。至晏君家。其夫人子女。正在徙居新宅。與舊宅相去不遠。為晏君所自築云。在晏君一宿。得知其夫人實不願居中。此為晏君辭職之原因。十四早餐後。與晏君乘車回紐約。赴南大董事會議。午前在事務所預備農大在南北中美古巴巴西印度開捐。午後出門拜客。夜則回麻里哈旅館。館在紐約中站。聞建築費亦在四千萬美金云。

十六晚寓紐約南大同學會。在旅順樓公宴。會長黎祖鑑、書記高廷梓、及曹錦輝、劉魯男、蔡乃成、何穆、施宗嶽、陳文駐、張奕超、馮吉修、劉繼祖、李福蒼、李耀煜、周棠、呂炳浩、謝昭杰、朱耀芳、陳宗堯、及友人黎耀生、李紹綱、等君。

二十日禮拜。牧師許芹請到華人福音堂演說。述及基督教在中國立自與聯合之狀況。

二十一日赴香山同鄉會春宴於萬里雲唐菜館。席間演說廣東近狀及嶺南農科成立大畧。

二十四日煤油大王之子洛奇氏。請午餐於『爲何』俱樂部。部員皆紐約富人。

二十六晚中華會館例會主席梅哲之君。(北大學生留學美國)。請余赴會演講嶺南農大成績。

二月二日。中華會館梅主席借意大利教堂請我演說。並影廣州及嶺南風景畫。陳宗堯君解釋。

三日紐約國民黨開捐。請余演說。並派出五人爲農大募捐。

四日中華主席梅哲之君。華商銀行行長劉魯男君(舊生)偕往華埠遍謁各

同鄉。

八日國民黨公宴於太白樓

十日華人福音堂召集各華人禮拜書館人員。請影畫演說。彭芳君爲主席。十一日聯成公所（除台山一縣外其他各縣人聯合組織）春宴。主席李溫請華僑校長薛修君（北大生）及予演說。皆關於農大事。

十六日致公堂春宴。盟長彭崇君。會長陳南君。請予演說農大成績。各皆贊成捐款。

十七日協勝堂春宴。主客二百五十餘人。東部總長鄧榮文君。紐約主席黃希文君。請予演說教育。該堂素以武力雄長華僑中。近以首領得人。主持和平。趨向教育。佳現象也。是晚即乘車赴紐折西省。紐特市致公堂影畫演說。

十九日陳穎州堂春宴。

廿四日龍岡公所（劉關張趙四姓組織）均赴會。有所演說。龍岡主席劉恩初君。當介紹予演說之先。言四姓不是家族主義。乃學效其祖先合羣救國。座客皆聽其言。以上皆在紐約月餘經歷之事。其他個人應酬不及備述。所得結果。則各大團體。皆一致贊助農大。個人亦多出財出力。

捐款數目。別刊報章。

廿八日與昭杰君由紐約乘船赴古巴

## 古巴華僑歡迎鍾榮光先生

昨接本校副監督鍾榮光先生由古巴埠來函云三月一號已平安抵古巴各華僑團體對於農大計劃均極表贊同鍾先生現正與各僑胞及各團體接洽酌議開捐料得各僑胞踴躍捐輸云

## 非臘濱科學局送贈本校牛瘟痘瀝

非臘濱科學局研究各種科學。成績大著。近年對於制止牛瘟。發明一種痘瀝。凡牛被種後。可保二年內不染牛瘟。尤為精巧。查別國所製牛瘟痘瀝。只可見效至三星期內。過期不免再染。該學科局痘瀝係由獸醫醫生菩吾頓 W. H. Boytain 先生所製。前數年菩先生來本校參觀。曾送贈彼所製痘瀝一大宗。并親為本校牛羣施種。近日菩先生再由非臘濱寄送一大宗。價值五百餘元。本校畜牧學教授羅飛雲先生已率學生多人實習施種。擬每年將牛羣施種一次。并得該科學局允許嗣後繼續送贈。本校牛羣今後可無牛瘟之虞。實感該科學局不淺也。